



**Jacobi Alvarez de Paz Opera**

De Exterminatione Mali, Et Promotioне boni - Libri quinque

**Álvarez de Paz, Jacobo**

**Lvgdvni, 1613**

Sectio IV. De his quæ singulis mensibus fiunt.

---

[urn:nbn:de:hbz:466:1-77843](#)

sunt, sine dubio multo magis, quæ Electorum sunt, ea sibi vendicabit, modò ne officium causam ad licentiam existimet. Quin summa potius animi attentione munire seipsum debet, ut cum sibi, tu ceteris, in quoquecumque casu derulerit, pariat utilitatē. Porro si de maneribus ipsis quæ abiectione sunt, aliquid exercendum sit, facre conuenit, Saluatorē quoque ipsum discipulis ministrasse, & abiectione opera facere non recusasse: magnūmque homini esse, si Dei imitator existat, cum per hæc quæ humilia sunt, ad altitudinem illam, quod illum est imitatus, ascendas. Quamquam quis iam humile ausus quipiam appellare, quod Deus ipse attingere nō recusavit. Hæc autem non ad idiotas tantum, aut ad adolescentes dicitur, sed ad doctos, & literatos, & sapientes, quos vehementer rogamus, vt magnum illum doctorem Bonaventuram imitentur, de quo hæc scripta reperimus. Nec, vt plerique literarum scientia inflati, vilia ministeria domestica fastidiebat, sed qui vix nec nisi per obedientiam, ægide tamen ab illorum executione coerebatur, reputantibus Praelatis, indignum, si non à talibus vir egregius sequestraretur, in quo sancti Spiritus gratia habitate perspicue cernebatur. Nec tamen vir sanctus illa caritatis officia, ob literarias actiones prætermittebat. Sed in omnes fratres oculos intendens, si quem fortè tristem, aut professionis penitentem, intelligereret, tanta dulcedine in sermone conueniebat, cōsolabatur, monebat, ac confirmabat, vt nullus ab eo discederet, quin libens coprum religionis iter persequeretur. Infirmorum præterea cura supra quām credibile sit deletabatur, quovæ grauioribus, aut contagiosis morbis grauaretur, eò magis se totum illorum obsequio applicabat. Quibus officiis cùm maiorem diei partem absumeret, non eo minor erat in publicis electionibus ac interpretationib. scripturarū, quæ tanta claritate audientibus intelligenda reddebat, ut ipse author illorū merito videri posset.] Hæc ibi. Verissimè credo: quia beatus hic doctor à cognitione rerum diuinarum nequaquam impeditabatur humilitatis obsequiis; & qui illum imitatus fuerit, nullum vera sapientia impedimentum, sed potius eius augmentum experietur. Quia sicut factus, & contemptus bonorum opérum, & superbia cæcant, ita humilitas, & simplicitas, lumen ad sapientiam continentam parant.

## SECTIO IV.

De his quæ singulis mensibus fiunt.

De eligendo adiutori per singulos menses  
ad profectum virtutum.

## CAPUT I.

**T**obias, quæ per hebdomadam facienda sunt, duo alia obseruanda per singulos menses adiicimus. Eorum primum est, vt cuiusque mensis exordio, Sanctum aliquem ex his, quorum Ecclesia eodem mente festa concelebrat, & commemorationem facit, in patronum, & aduocatum, & comitem ad iter vitæ spiritualis confidenciam eligamus. Senior Tobias volens filium suum mittere ad recuperanda decem argenti talenta, quæ sibi à Gabelo sub chirographo debebantur, hoc primum vt prospere omnia succederent, illi mandauit. Perge nunc, & inquit tibi aliquem fidem virum, qui eat tecum salua mercede sua, vt dum adhuc viuo, recipias eam.] scilicet pecunia quæ nobis est debita. Obediens filius genitor paruit, & egressus inuenit iuuenit splendidum, (nimurum Angelum Domini) stantem præcinctum, & quasi paratum ad ambulandum.] Quem accipiēs in

A comitē via, non solū beneficio illius debitū requiriuit, sed & vxorem castissimam, & magnas diuitias cōparauit. Hic inspicio pulchrā imaginem ad exprimendum id quod nū tractamus, delineatam. Lustus enim ad querendam paternam hæreditatem incitat, & ei cura itineris faciendi, quo in celum pergit, imponitur. Indiget autem huius vitæ comite fidelissimo, qui semper protectione sua eius lateri assit, qui discrimina insurgentia præueniat, qui modū agēdi in itinere, in hospitio, & in toto decursu peregrinationis doceat, qui saluum & incoludem clientulū suum in locum quod destinatus est, ferat. Hæc autem omnino à quo melius, quām à sancto aliquo homine vel Angelo sperabimus, cuius lora felicissima, eundē à propriariū commoditatū cura liberat, cuius charitas, & miseratione impensis ad salutem nostram procurandam prouocat, cuius sapientia, & potestas melius & efficacius nostris miseriis & necessitatibus medelam afferre queat? Tu ergo si cupis viam spiritus feliciter ambulare, & in omnibus ambiguibus magistrum, in periculis adiutorem, & in infirmis sustentatorem habere: Voca, vt inquit Iob, si est, qui tibi respondeat, & ad aliquem Sanctorum conuertere.] Immò quia habes innumerabiles, qui tibi respondeant, qui tuas preces exaudiant, qui tibi in omni necessitate subueniant, inuoca illos, & vt ferventius & deuotius hoc facias, inuoca nunc uno mense vnum, nunc alio mense aliud, qui quas ionu inter se partiantur, & te vt pupillum sue benignitas commendatum respiciant.

B Sed quid facies, vt Sancti illius, quem in patrōnum elegisti, tutamen & protectionem obtineas? certè hæc, quæ sequuntur. Primo circa initium mensis, eo die quo sancti inter fratres distribuēti sunt, à Domino humiliiter postulabis, vt sanctus illi tibi forte obtingat, ob cuius intercessionem vultuum profectum augere, & tuas tibi miserationes elargiri. Et ille qui salutem tuam impensè desiderat, dabit tibi pædagogum sapientissimum, & adiutorem fortissimum, cuius ope de omnibus docearis, & à tuis hostiis protegaris. Comperiētque aduersarius tuus verum etiam esse, in spiritualibus Dei templis, id est, in iustis, quod de Templo Hierosolyma impius Heliodorus effatus est: Nam ipse qui habet in cœlis habitationem, visitator & adiutor est loci illius, & venientes ad malè faciendum, percutit ac perdit.] Ille inquam summus cœlorum Dominus, cuius est iustos visitare & defendere, militum suorum, id est, Sanctorum ministerio, hostes ab eis arceret, ac ab omni malo defendit.

C Secundò, Sanctum tibi ad tutelam designatum deuotè reuerenter, & cum debita gratiarum actione suscipias, non aliter ac si Dominus ipse, cuius prouidentia maiora & minora gubernantur, illum tibi in patronum assignasset. Et cum primū per tempus licuerit, te in Ecclesiam vel in cellam, vel alium locum quietum, recipies, ibique Sancto illi patrōtu te præsentem facies, tuas illi necessitates expones, & illi te deuotè commendabis. Et sicut Jacob luctabatur cum Angelo quoque ab eo benedictionem extorsit, ita & tu luctare cum illo protector tuo, non brachis, sed precibus, & orationum instantia, vt hanc benedictionem consequaris, quod ipse te & tua omnia sub tegmine sue protectionis accipias.

D Tertiò, Quotidie sermeli, aut bis aduocatum hunc tuum exorabis, vt sua protectione tibi semper affiat, vt se magistrum affequenda perfectionis faciat, & vt se tibi in omnibus comitem præbeat. Imitare sanctum Davidem de seipso dicentem: Leuani

oculos

Gen. 32.  
30.Psal. 120.  
1.

*Aug. ibid*

oculos meos in montes, unde veniet auxilium mihi.] Qui sunt isti montes praecelsi, qui sunt isti montes eterni, secundum Augustinum, nisi Sancti Dei? In hos ergo montes oculos mentis intendamus, ut ab eis nobis adiutorium venire preceremur. Duo autem praecepit a Sancto adiutorum petenda sunt; Alterum est, ut nobis ad meditationem returnum caelestium lucem impetrat. Hoc enim nos a Sanctis accipere docuit Chrysostomus, sic scribens: Adeamus ergo & nos vnum eorum, quibus caelestes portae commissae sunt, appellemus, supplicemus, pro pecunia promptam voluntatem sincerumque affectum exhibeamus. Et, si ille mercedem hanc acceperit, manu nostra apprehensa per omnia circumducet; non istam suppellectilem regiam, sed ipsum regem in throno sedentem, astantibus exercitibus exercitumque ducibus, afflentibus innumerabilium Angelorum atque Archangelorum millibus; breuiter, nobis omnia diligenter ostendet, quatenus nobis videre fas est. Alterum est, ut desideria & preces nostras Dominum, cui semper astat, representent. Optimè ad hoc propositum dixit Ambrosius: Aegypti, nisi ad eos aliorum precibus medius fuerit initatus, profere rogar non possunt. Infirma est caro, mens agra est, & peccatorum vinculis impedita, ad medici illius sedem non potest explicare vestigium. Obsecrandi sunt Angeli pro nobis, qui nobis ad praesidium dati sunt, Martyres obsecrandi, quorum videmur nobis quodam corporis pignore patrocinium vindicare. Possunt pro peccatis rogare nostris, qui proprio sanguine etiam quia habuerunt peccata, lauerunt. Iste enim sunt Dei martyres, nostri preciosi, speculatores vite, actuunque nostrorum. Non erubet eam eos intercessores nostræ infirmitatis adhibere, quia ipsi infirmitatem corporis etiam cum vincent, cognoverunt.] Haec ille. Licet autem haec duo dona præcipua ex sancti patroni nostri impetratione accipiamus, non tamen sola ea, ab eius larga manu recipimus. Quare quæcumque vel animæ, vel corpori necessaria sunt, ab eo petere, & obtinere curremus. Sciamus, eum esse pro illo mense nostrum benignissimum prouisorem, cui curæ est a malis nos protegere, & in bonis promovere, in omnibusque nobis necessariis ad illum tanquam ad præstantissimum remedium accurramus.

Præter hunc quotidianum & frequenter recusam, quo à protectore tuo opem exposcis, alia præstabis in honorem ipsius devotionis obsequia. Nam & aliqua, quæ corpus doment, & voluntatem frangant, singulis diebus pro eius honore suscipienda sunt, dies festus illius aut ieiunio, aut peculiari abstinentia præueniendis, & confessionis ac communiois susceptione, si id fieri possit, fin minus horum desiderio & singulare puritate celebrandus. Vita eius legenda est, & aliquid memoria condendum, quod ad illius imitationem trahatur. Hoc autem est Sancti protectoris obsequium præcipuum, si illum imitari, & non solum precibus, sed vita & conuersatione sequaris. Unde Ambrosius suprà, viduam erudiens, ait: Et tu habes proximos, qui Deo pro te suppllicant: habes Apostolos proximos: habes Martyres proximos, si ipsa Martyribus devotionis societas, misericordia quoque muneribus appropinquas. Proximus est enim, qui misericordiam facit: fac tu misericordiam, & cris Petro proxima. Non sanguinis necessitudo, sed virtutis cognatio facit proximos: quia non in carne ambulamus, sed in spiritu. Am ergo propinquitatem Petri, affinitatem Andreae, ut protegent, & recedant cupiditates tue verbo Dei pulsæ. Vt autem hoc Sancti protectoris obsequium

A plenum sit atque perfectum, non solum pro nobis, sed etiam pro Ecclesiæ necessitatibus orandum est, vt sicut filii, ita & mater nostra ex protecione nostro habeat intercessionis auxilia. Optimèque est, præter duodecim Sanctos, quos pro singulis mensibus anni patronos eligimus, vnum quoque pro toto anni decursu circa illius initium designare, cui eodem modo, proportione seruata, obsequendum est, & eius auxilium implorandum.

### De emendandis per singulos menses conuersationis nostra defectibus.

#### CAPUT II.

**V**ITISSIONVM etiam est ad virtutes auggendas, & spiritualem vitam prouochendam, si singulis mensibus diem vnum eligas, in quo ab externis occupationibus sequestratus, tibi vaces, & mores atque actus tuos solerter inspicias. Hoc die deuotius & prolixius orabis, attenti & quietius Psalmos recitabis, plus temporis librorum spiritualium lectioni tribues. Præcipue ramen in hoc incumbes, vt sis censor tui, & seuerus iudex actuum tuorum. Vide igitur, quæ supra te sunt, an pure & feruentur Deum colas, Sanctos veneretis, & caelestia suspires. Vide quæ infra te sunt, an corpus domes, sensus comprimas, affectusque cohibeas. Vide quæ circa te sunt, an superflua reseces, necessaria moderatè accipias, & fratribus exemplo præluecas. Vide tandem quæ intra te sunt, an punius cogites, virtutes auges, & tranquillius viuas. Hoc sit studium huius dicti, vt imperfetta emendentur, perfecta excolantur, & conatus tui ad sublimiores virtutum actiones excitentur. Aliquando dictum est tibi, vt te Solem esse consideres. De eo vero hac legimus in Salomone: Oritur Sol, & occidit, & ad locum suum reuertitur.] Ut myticus ergo, & spiritualis Sol nunquam Zodiacum, id est, institutum tuum, excas, & per illum discurrens, omnes vitæ exemplo illuminare contendas. Iam te per orationis exercitationes, supra res corruptioni obnoxias effe. Iam per honestas actiones te proximis subiice, sed postquam per aliquod tempus laboraueris, ad locum tuum, id est, ad quietem propriæ inspectionis & emendationis reuertere. Dic animæ tua singulis mensibus: Conuertere anima mea in quietem tuam, quia Dominus beneficet tibi.] Postquam Dominus tibi beneficet, dum te ad bene agendum impulit, & ad recte operandum adiuvuit, conuertere te ad teipsum, ingredere ad intimam tuam, & ibi robur ad perleuerandum in bonis operibus impetrabis, & quietem à laboribus, ac tranquillitatem inuenies. Nam sicut corpus cessatione à labore, reficitur, ita animus vacatione & fuga ab occupationibus, robatur.

Hunc vacationis diem quidam facilis, quidam difficilius assument. Qui enim nec officiis temporibus, nec animatum ministeriis distincentur, facilimè poterunt ex consensu Prelati, vnum diem, quo ad scholas non eunt, sibi suffurari, & ad proprium ordinare profectum. Qui vero operari Euangelij sunt, aut dominus obsequiis addiciti, non ita facile posse se à labore subtrahere, & per totum diem ad interra conuertere, cum eorum occupatio non à sua voluntate, sed ab aliorum necessitate dependeat. Hi ergo poterunt dié considerare & præuidere, magis in mente à ministeriis & occupationibus vacuum in eo

*Tom. I.  
lib. 3.  
Ecclesi. 1. 4*

*Psal. 14.  
7.*

aliquas horas quietiores diligere, quas in hoc sanctum exercitum propriæ amendmentis curandæ, & captandæ spiritualis quietis, impendant. Sed si nec per aliquot horas sibi vacare sinantur, non ob id noctio mortore tristentur, immò tanta cura sui ipsorum in mediis occupationibus vivant, vt hac spirituali quiete per menem quærenda non indigant.

## SECTIO V.

De his quæ singulis annis fiunt.

De die vocationis nostræ singulis annis celebrando.

## CAPUT I.

**N**unc pauca supersunt, quæ sunt per singulos annos à bono religioso seruanda. Horum primum sit, ut diem vocationis suæ, eum scilicet diem fæcissimum, quo à seculo eruptus est, & religiosotum certui aggregatus, magna gratitudinis significatio, & tota devotione concelebretur. Mos fuit apud antiquos, natales dies suis non sine latitiae notis, & sine celebriitate transfigere: cuius rei (vt nunc prophanos autores omitimus) testis est factorum libitorum historia. De Pharaone in Genesi sic legimus: Exinde dies tertius natalitus Pharaonis erat, qui faciens grande coniuicium pueris suis, recordatus est inter epulas magistri pincernarum & pistorum principis. ] De Antiocho verò sic in Machabæis: Ducebantur Iudei cum amata necessitate in die natalis Regis ad sacrificia. ] De Herode autem Marcus sic ait: Cùm dies opportunitus accidisset, Herodes natalis sui conam fecit, Principibus, & Tribunis, & primis Galilæis. ] In natalitia celebrarunt, quibus mundo nati sunt, & ad miseras & ad mortem ex vulva matris educti: idèque natalem suum aliorum tribulationibus imbutunt, & funesta morte fœdarunt. At Ecclesia sancta, alia natalitia fæciliora celebrat, eorum selectissimorum virorum, qui piè sancteque viuentes, dum ex hac vita mortalí decedunt, Deo & cœlestibus exoriantur. Quorum natiuitas, quia ad veram & immortalem vitam est, non à nobis vitam, aut bona temporalia admittit, sed bona spiritualia, & cœlestes thesauros illorum, qui Deo nascuntur, impenetracione restituit. Nam, ut Bernardus ait: Sanctorum natalitiam nobis, & auxilio, & exemplo, & humilitati seruient. Auxilio, quia cùm in cœlis magnates & potentes sint, nihil à summo rerum conditore postulant, quod non, ad inuocantium eos utilitatem, consequantur. Exemplo, quia cùm in terris visi sint, & cum hominibus conuersati, non declinarunt ad dexteram, nec ad sinistram, sed viam regiam tenuerunt, donec ad illum peruenirent, qui dixit: Ego sum via, veritas & vita: ] ut nobis viam eundi ad ipsum sua conuersatione monstrarent. Humilitate, nam hominum passibilium, & nobis similibum viram difficiliter existimamus, & eos quos fœlices putamus, quamvis diuina gratia possumus, tamen sequi non audemus.

Inter hos duos natalitios dies, illum scilicet, quo homines seculo & morti nascuntur, & illum, quo Sancti beatis Spiritibus aggregantur, vocatione religiosa media est, qua relatio seculo, Deo nascimur,

A] non ut statim eo perfruamur, sed ut illi famulemur, sancteque viuamus, & post sanctam vitam ipsum possidere, eoque perfui possumus. Hæc natuitas nobis etiam est non sine ingenti lætitia & exultatione celebranda, qua non ad eam lucem editi sumus, quæ nobis est multisque communis, sed ad eam lucem sanctæ & immaculatæ vite procreati, qua Deo nunc viuere perfectè incipiamus, vt post huius mortalitatis cursum, perpetuò cum illo regnemus. Et quidem ex quacunq[ue] parte vocationem religiosam consideremus, causas inueniemus, quæ nos ad eam latissimè celebrandam inuitent. Si enim illa mors est, quamodo morimur, & negotia prophana deferimus, erit profectio illa, de qua scriptū: Melior est dies mortis, die natuitatis: j[uxta] cum dies natuitatis sit ad miseras & ad pericula salutis introitus: dies autē huius mortis, sit multarū curarum temporalium liberatio, & à peccandi occasionibus exolutio. Quid si dies natuitatis, cùm videlicet ad mortem & miseras nascimur, lætus nobis est, dies quo religionem intritus, lætior atque celebrere esse debet, siquidem in eo, si non omnes, ac multas mundi huius miseras exuimus. Si vero religiosa vocatio, est ablactatio quædam, cuius beneficio à delectationum visibilium vberibus separamur, ut iustitia panis sit nostra refectio, quis non videat eam esse quotannis solemniter peragendam? Ad cuius mysterium exprimendum, cùm ablactatus est Isaac, fecit Abraham pater eius grande coniuicium, ut magnitudo celebritatis utilitatem huius spiritualis ablactationis ediceret. In die natalis coniuicium forte instratum est, sed coniuicium parvum, quod nulla memoria dignum cœfatur, at in die ablactationis, quæ à laetiœ seculi segregamur, fiat coniuicium magnum, quo eius ingens præstantia signetur. Si demum vocatio ad religiosam vitam, natuitas est, quæ curis spiritualibus non crucianibus, sed mulcentibus, incipimus viuere, nec sine lætitia & celebracione relinquatur, ne ei [qui de tenebris nos vocavit in admirabile lumen suum] inueniamur ingrati. Leui seu Matthæus eodem die vocationis suæ fecit Dominum [coniuicium magnum in domo sua,] vt ex beneficio suscepimus ostenderet signa lætitiae. Et merito quidem, quoniam ad spirituales delicias vocabatur. Qui enim, ut inquit Ambrosius, domicilio Christum recipit interno, maximis delectationibus exuberantium pascitur voluptatum. ] Quid nos facturi sumus, qui cùm ad religionem vocamur, ad Apostolicam vitam vocamur, & sœpe sanctissimarum deliciarum implemur?

E] Sed quo pacto dies hic spiritualis natalis, seu religiosa vocationis, celebrandus est: Possem te, ô religiosa perfectionis amator, ad deuotissimum Virginem Gertrudem remittere, cuius exercitum secundum est conuersiois celebratio, & primæ vocationis repetitio. Sed vi breuiter formulam huius celebratiois tibi præscribam, sic festum diem tuæ vocationis perages. In vigilia illius diei, te, ieunio aut abstinentia aliqua, & corporis maceratione, & publica aliqua humiliatis & mortificationis ostensione dispones. Ipso autem die cùm primum surrexeris, tempus meditationis in consideratione huius tanti beneficij, & in feruentissima gratiarum actione, atque in laudibus diuinis insumes. Nolo ut in hac meditatione apicias religionis ingressum; ut obsequium Deo facias, sed ut ingens beneficium, sicut re vera est, de benignissimi Domini manu suscepimus. Reliquisti modica, suscepisti maxima pro who parente, multos patres; & pro paucis propinquis, fratres plures inuenisti, delicias exiguae, & umbratiles pro ineffabilibus & stabilibus, & voluntatem

Gen. 40.  
20.

2. Mac-  
hab. 6. 7.

Marc. 6.  
21.

Bern. in  
vigilia  
Petri &  
Pauli.

Ioan. 14.  
6.

Ecccl. 7.2.

Gen 21.  
8.

3. Petr. 2.  
9.

Luca 5.  
29.

Amb.  
lib. 5. in  
Luc. ad  
cas. 5.

Gerr.  
exerci-  
tum 2.

tuam